

# Agenda – Y Cyfarfod Llawn

---

Lleoliad y cyfarfod:

Y Siambr – Y Senedd

Dyddiad y cyfarfod:

Dydd Mercher, 13 Mawrth 2019

Amser y cyfarfod: 13.30

## 196(v4)

---

### Enwebiadau ar gyfer cadeirydd pwyllgor (5 munud)

Bydd y Llywydd yn gwahodd enwebiadau ar gyfer cadeirydd y pwyllgor canlynol, yn unol â Rheol Sefydlog 17.2F:

- (i) Y Pwyllgor Deisebau

### Cwestiwn Brys (15 munud)

#### Gofyn i'r Prif Weinidog:

**Adam Price (Dwyrain Caerfyrddin a Dinefwr):** A wnaiff y Prif Weinidog ddatganiad am bolisi Llywodraeth Cymru ar Brexit yn sgil y ffaith bod Cytundeb Ymadael yr UE-DU wedi cael ei gwrthod neithiwr yn Nhŷ'r Cyffredin?

### 1 Cwestiynau i'r Gweinidog Addysg

(45 munud)

Bydd y Llywydd yn galw ar lefarwyr y pleidiau i ofyn cwestiynau heb rybudd ar ôl cwestiwn 2.

[Gweld y Cwestiynau](#)

### 2 Cwestiynau i'r Gweinidog Iechyd a Gwasanaethau Cymdeithasol

(45 munud)

Bydd y Llywydd yn galw ar lefarwyr y pleidiau i ofyn cwestiynau heb rybudd ar ôl cwestiwn 2.

[Gweld y Cwestiynau](#)



### **3 Cwestiynau Amserol**

Ni ddewiswyd unrhyw Gwestiynau Amserol

### **4 Datganiadau 90 Eiliad**

(5 munud)

### **5 Datganiad gan Gadeirydd y Pwyllgor Diwylliant, y Gymraeg a Chyfathrebu: Effaith Brexit ar y celfyddydau, y diwydiannau creadigol, treftadaeth a'r Gymraeg**

(30 munud)

### **6 Dadl: Cyfnod 3 y Bil Ombwdsmon Gwasanaethau Cyhoeddus (Cymru)**

(120 munud)

Caiff y gwelliannau eu gwaredu yn y drefn y cafodd yr adrannau a'r atodlenni y maent yn cyfeirio atynt eu rhestru yn y cynnig o dan Reol Sefydlog 26.36 a gytunwyd gan y Cynulliad ar 6 Mawrth 2019.

**Mae'r gwelliannau wedi cael eu grwpio at ddibenion y ddadl a byddant yn cael eu trafod fel a ganlyn:**

Grŵp 1: Iaith sy'n niwtral o ran rhyw 22, 23, 24, 25, 26, 27, 28, 29, 31, 32, 33, 34, 35, 36, 37, 38, 16, 21

Grŵp 2: Penodi Ombwdsmon 44, 45

Grŵp 3: Ymchwilio i wasanaeth sy'n gysylltiedig ag iechyd: Adennill costau 30, 6, 8, 9

Grŵp 4: Archwilydd Cyffredinol: Gosod y cyfrifon ardystiedig 49

Grŵp 5: Cywiriadau drafftio 2, 7, 10, 12, 13

Grŵp 6: Ymchwiliadau ar ei liwt ei hun 3, 4, 14, 15, 19

Grŵp 7: Gwneud cwynion 5, 17, 18

Grŵp 8: Egwyddorion Nolan 46

Grŵp 9: Gweithdrefnau ymdrin â chwynion 47, 11, 48

Grŵp 10: Pwerau gwneud rheoliadau 20

Grŵp 11: Adolygu'r Ddeddf: 39, 40, 41, 42

Grŵp 12: Swyddogaethau'r Cynulliad 43

Grŵp 13: Trosolwg

## Dogfennau Ategol

[Bil Ombwdsmon Gwasanaethau Cyhoeddus \(Cymru\)](#)

[Memorandwm Esboniadol](#)

[Rhestr o Welliannau wedi'u didoli](#)

[Grwpio Gwelliannau](#)

## 7 Dadl y Ceidwadwyr Cymreig – Cyfoeth Naturiol Cymru

(60 munud)

**NDM6989** [Darren Millar \(Gorllewin Clwyd\)](#)

Cynnig bod Cynulliad Cenedlaethol Cymru:

1. Yn nodi penderfyniad Llywodraeth Cymru i uno Cyngor Cefn Gwlad Cymru, Asiantaeth yr Amgylchedd Cymru a Chomisiwn Coedwigaeth Cymru drwy ffurfio Cyfoeth Naturiol Cymru yn 2013.

2. Yn cydnabod gwaith caled y staff rheng flaen yn y sefydliad ond yn deall eu hanfodlonrwydd a'u diffyg hyder yn y penderfyniadau a wneir gan uwch reolwyr, fel y caiff ei fynegi'n rheolaidd mewn arolygon staff ers sefydlu Cyfoeth Naturiol Cymru.

3. Yn gresynu at fethiant systematig Cyfoeth Naturiol Cymru o ran pobl Cymru drwy nifer o sgandalau proffil uchel, gan gynnwys:

a) diffygion difrifol wrth ymdrin â chontractau pren, i'r graddau bod yr archwilwyr, Grant Thornton, wedi dweud eu bod mor ddrwg eu bod yn "dwysáu'r amlygiad i'r risg o dwyll";

b) 'cymhwyso' cyfrifon y sefydliad gan Swyddfa Archwilio Cymru am dair blynedd yn olynol, sy'n awgrymu bod ansicrwydd ynghylch a oedd y sefydliad wedi gweithredu o fewn y rheolau;

c) y dull anghyson y mae Cyfoeth Naturiol Cymru yn arwain wrth benderfynu ymyrryd ar faterion o ddiddordeb cyhoeddus megis saethu ar dir cyhoeddus a dympio mwd niwclear.

4. Yn galw ar Lywodraeth Cymru i gychwyn adolygiad/ymchwiliad annibynnol i fethiannau'r sefydliad ac ymchwilio i gynigion amgen ar gyfer rheoli adnoddau naturiol Cymru.

[Grant Thornton – Natural Resources Wales – Governance of Timber Sales – 3 February 2019](#) (Saesneg yn unig)

[Cyfoeth Naturiol Cymru – Adroddiad Blynyddol a Cyfrifon 2015–16](#)

[Cyfoeth Naturiol Cymru – Adroddiad Blynyddol a Chyfrifon 2016–17](#)

[Cyfoeth Naturiol Cymru – Adroddiad Blynyddol a Chyfrifon 2017–18](#)

**Cyflwynwyd y gwelliannau a ganlyn:**

**Gwelliant 1 – [Rebecca Evans \(Gwyr\)](#)**

Dileu pwyntiau 3 a 4 a rhoi yn eu lle bwyntiau newydd:

Yn nodi casgliadau ac argymhellion yr adroddiadau gan:

a) Ymchwiliad Pwyllgor Cyfrifon Cyhoeddus y Cynulliad Cenedlaethol i adroddiad blynyddol a chyfrifon Cyfoeth Naturiol Cymru ar gyfer 2017–2018 – Tachwedd 2018;

b) Grant Thornton – Cyfoeth Naturiol Cymru – Llywodraethu'r Gwaith o Werthu Pren – Chwefror 2019.

Yn croesawu penodi prif weithredwr a chadeirydd dros dro newydd ar gyfer Cyfoeth Naturiol Cymru a'u hymrwymiad i weithredu argymhellion y ddau adroddiad a gwella'r modd y caiff Cyfoeth Naturiol Cymru ei reoli a'i lywodraethu.

[Y Pwyllgor Cyfrifon Cyhoeddus – Cyfoeth Naturiol Cymru](#)

[Adroddiad Blynyddol a Chyfrifon 2017–18 – Tachwedd 2018](#)

*[Os derbynnir gwelliant 1, caiff gwelliannau 2 a 3 eu dad-ddethol]*

**Gwelliant 2 – [Rhun ap Iorwerth \(Ynys Môn\)](#)**

Ym mhwynt 3, dileu "Yn gresynu at fethiant systematig Cyfoeth Naturiol Cymru o ran pobl Cymru drwy nifer o sgandalau proffil uchel" a rhoi yn ei le "Yn gresynu at nifer y methiannau proffil uchel yn Cyfoeth Naturiol Cymru".

### **Gwelliant 3 – [Rhun ap Iorwerth \(Ynys Môn\)](#)**

Dileu pwynt 4 a rhoi yn ei le:

Yn galw ar Lywodraeth Cymru i sefydlu adolygiad annibynnol er mwyn canfod a yw'n dal yn briodol i Gyfoeth Naturiol Cymru barhau i reoli'r ystâd goedwig fasnachol yng Nghymru ac ystyried unrhyw fodelau amgen posibl.

### **Gwelliant 4 – [Rhun ap Iorwerth \(Ynys Môn\)](#)**

Ychwanegu pwynt newydd ar ddiwedd y cynnig:

Yn galw ar Lywodraeth Cymru i sicrhau bod gan Cyfoeth Naturiol Cymru adnoddau priodol i gyflawni ei holl ddyletswyddau yn ddigonol.

## **8 Cyfnod pleidleisio**

## **9 Dadl Fer**

(30 munud)

### **NDM6988 [Mike Hedges \(Dwyrain Abertawe\)](#)**

Pwysigrwydd prentisiaethau: Pam mae angen pobl arnom sydd â chymwysterau crefftau.

Cynhelir Cyfarfod Llawn nesaf y Cynulliad am 13.30, Dydd Mawrth, 19 Mawrth  
2019